



INFORMASHON EDUKATIVO PA INVERSHONISTANAN Notifikashon tokante “E FLOR”/“FLOWER”

Centrale Bank van Curaçao en Sint Maarten (CBCS) pa medio di e komunikado aki ta atvertí públiko en general i (potensial) invershonistanan pa e weganan di piramit manera “E Flor”/”Flower” ku ta wordu ofresé komo oportunitatnan legítimo pa gana sèn lihé. Nos ta referí na e link akibou ku ta kontené un dokumento edukashonal tokante skemanan ku ta funshoná komo piramit.

<http://www.centralbank.cw/investor-education-pyramid-schemes>

Tuma nota ku un wega di piramit ta un sistema di invershon froudulento, ku su benefisio ta kasi eksklusivamente derivá for di rekrutashon di partisipantenan nobo. E wega di piramit por aparentá komo un oportunitat legal pa traha sèn lihé, pero ta un model di negoshi no-sostenibel ku basá riba eksklusivamente riba risibi sèn dor di inskribí partisipantenan nobo sin presta ningun tipo di servisio a kambio.

CBCS ta atvertí (potensial) invershonista/partisipante pa ta atento pa loke ta trata e siguiente trampanan di weganan di piramit:

1. **Énfasis riba rekrutashon di miembronan nobo.** E aktividat prinsipal ta konsistí di rekrutashon di miembronan nobo.
2. **Rendimentu haltu riba término kòrtiku.** Rendimentu haltu òf ganamentu di sèn di un manera rápido por ta señal ku ta paga komishon for di sènnan di partisipashon di miembronan nobo enbes di sènnan di benta.
3. **Konstrukshon kompliká pa pagamentu di komishon.** Komishon no basá riba benta di produktonan i servisionan pafó di e sistema.
4. **E produkto òf servisio ofresé ta vago.** No tin benta real di un produkto òf servisio.
5. **‘Sèn fásil’.** Mayoria bes ta primintí partisipantenan un rekompensa pa ehekutá pagonan òf pa rekrutá miembro nobo.
6. **E meta no ta benta di produkto.** Akshonnan no ta dirigí riba benta di ningun produkto.

Sea konsiente ku CBCS lo sigui entamá pasonan kontra di solisitantenan no deseá, pa tuma medidanan pa frena konstrukshonnan di supuesto piramit ku ta violá lei i legishon di CBCS den hurisdikshon di e paisnan Kòrsou i Sint Maarten.

Si bo ta sospechá òf ta na altura di skemanan di invershon no regulá na Kòrsou i òf Sint Maarten, nos ta urgí bo pa tuma kontakto ku CBCS na number di telefòn +5999 434 5500 òf via i-mail info@centralbank.cw.